



Senin, 12 Juni 2023
Ogen : Pengerana 9:9



Ngenanami Ras Isi Jabu



Perbulangan, ndehara ras anak-anak e me sada bagin si ndeherna kal ras sekalak jelma. Kita tubuh i bas sada jabu, jabu e me si pemenana kal si tandai doni enda. Si eteh kerna erti kekelengen, sidatken mbue pemete, keriahen dengen kesusahan benana i bas jabu nari kap.

Bulan juni e me bulan liburen man anak-anakta si sekolah. Momen enda melala ipakai waktu guna ras-ras. Enterem pe simakeken paksa e guna gawak-gawah, alu tujun mereken kesegaren ras kekompaken sada ras sidebanna. Ligh Hud pernah ngatakan "*berpergian dengan ditemani orang-orang yang kita cintai adalah rumah yang bergerak.*" Arah kata enda ngatakan maka si ateta ngena jadi temanta gawah-gawah sada kesangapen dengen keriahen. La jadi persoalen ingan si man tujun, asal temanta e ngena ateta pasti mereken keriahen kap.

Kitap Pengerana ngatakan man banta maka "*pesenangkenlah dirindu ras ndehara kekelengenndu,*" i bas bahasa Indonesia "*nikmatilah hidup dengan istri yang kau kasih*" kata enda ngatakan maka geluh enda perlu nanamna. Ndehara e me sindeherna ras perbulangan, sinandai dengen simetehsa kerna perbulangan ras anak-anak. Si eteh kai erbahanca malem atena, guna si e uga kita banci radu ras pesenangkenca. Sabap kesenangan e erbahanca meriah ukur, panjang umur. Salah sada carana e me mabai dengen erbahan (menciptakan) suasana si nyaman. Sedekah enda kerina dem i bas kesibuken, anak-anak sekolah, kita erdahin, mari pakeken waktu enda guna ras-ras guna ngiket kiniersadan, hubungan emosional si mehuli, lit keterbukaan seh maka tuhu-tuhu kemalemen ate jadi me ku tengah-tengah jabuta. Nikmatilah jabu siibereken Dibata, teruslah pebelin kekelengen bas jabu.